

史记韵文集

史记中共有 139 篇韵文作品

赞（123篇）

司马迁以诗歌形式对历史人物和事件的歌颂与评价

五帝本纪赞

001 五帝本纪

帝出少典，居于轩丘。
既代炎历，遂擒蚩尤。
高阳嗣位，静深有谋。
小大远近，莫不怀柔。
爰洎帝喾，列圣同休。
帝挚之弟，其号放勋。
就之如日，望之如云。
郁夷东作，昧谷西曛。
明扬仄陋，玄德升闻。
能让天下，贤哉二君！

夏本纪赞

002 夏本纪

尧遭鸿水，黎人阻饥。
禹勤沟洫，手足胼胝。
言乘四载，动履四时。
娶妻有日，过门不私。
九土既理，玄圭锡兹。
帝启嗣立，有扈违命。
五子作歌，太康失政。
羿浞斯侮，夏室不竞。
降于孔甲，扰龙乖性。
嗟彼鸣条，其终不令！

殷本纪赞

003 殷本纪

简狄吞乙，是为殷祖。
玄王启商，伊尹负俎。
上开三面，下献九主。
旋师泰卷，继相臣扈。
迁器圯耿，不常厥土。
武乙无道，祸因射天。
帝辛淫乱，拒谏贼贤。
九侯见醢，砲格兴焉。
黄钺斯杖，白旗是悬。
哀哉琼室，殷祀用迁！

周本纪赞

004 周本纪

后稷居郤，太王作周。
丹开雀录，火降乌流。
三分既有，八百不谋。
苍兕誓众，白鱼入舟。
太师抱乐，箕子拘囚。
成康之日，政简刑措。
南巡不还，西服莫附。
共和之後，王室多故。
檠弧兴谣，龙漦作蠹。
纣带荏祸，实倾周祚。

秦本纪赞

005 秦本纪

柏翳佐舜，阜旂是旌。
蜚廉事纣，石椁斯营。
造父善驭，封之赵城。
非子息马，厥号秦嬴。
礼乐射御，西垂有声。
襄公救周，始命列国。
金祠白帝，龙祚水德。
祥应陈宝，妖除丰特。
里奚致霸，卫鞅任刻。
厥後吞并，卒成凶慝。

秦始皇本纪赞

006 秦始皇本纪

六国陵替，二周沦亡。
并一天下，号为始皇。
阿房云构，金狄成行。
南游勒石，东瞰浮梁。
漓池见遗，沙丘告丧。
二世矫制，赵高是与。
诈因指鹿，灾生噬虎。
子婴见推，恩报君父。
下乏中佐，上乃庸主。
欲振穢纲，云谁克补。

项羽本纪赞

007 项羽本纪

亡秦鹿走，伪楚狐鸣。
云郁沛谷，剑挺吴城。
勋开鲁甸，势合殪兵。
卿子无罪，亚父推诚。
始救赵歇，终诛子婴。
违约王汉，背关怀楚。
常迁上游，臣迫故主。
灵壁大振，成皋久拒。
战非无功，天实不与。
嗟彼盖代，卒为凶竖。

高祖本纪赞

008 高祖本纪

高祖初起，始自徒中。
言从泗上，即号沛公。
啸命豪杰，奋发材雄。
彤云郁砀，素灵告圭。
龙变星聚，蛇分径空。
项氏主命，负约弃功。
王我巴蜀，实愤于衷。
三秦既北，五兵遂东。
汜水即位，咸阳筑宫。
威加四海，还歌大风。

吕太后本纪赞

009 吕太后本纪

刑罚罕用，罪人是希。
民务稼穡，衣食滋殖。
高祖犹微，吕氏作妃。
及正轩掖，潜用福威。
志怀安忍，性挟猜疑。
置鸩齐悼，残彘戚姬。
孝惠崩殒，其哭不悲。
诸吕用事，天下示私。
大臣菹醢，支孽芟夷。
祸盈斯验，苍狗为菑。

孝文本纪赞

010 孝文本纪

孝文在代，兆遇大横。
宋昌建册，绛侯奉迎。
南面而让，天下归诚。
务农先籍，布德偃兵。
除帑削谤，政简刑清。
絺衣率俗，露台罢营。
法宽张武，狱恤缙萦。
霸陵如故，千年颂声。

孝景本纪赞

011 孝景本纪

景帝即位，因脩静默。
勉人於农，率下以德。
制度斯创，礼法可则。
一朝吴楚，乍起凶慝。
提局成衅，拒轮致惑。
晁错虽诛，梁城未克。
条侯出将，追奔逐北。
坐见泉黥，立翦牟贼。
如何太尉，後卒下狱。
惜哉明君，斯功不录！

孝武本纪赞

012 孝武本纪

孝武纂极，四海承平。
志尚奢丽，尤敬神明。
坛开八道，接通五城。
朝亲五利，夕拜文成。
祭非祀典，巡乖卜征。
登嵩勒岱，望景传声。
迎年祀日，改历定正。
疲耗中土，事彼边兵。
日不暇给，人无聊生。
俯观嬴政，几欲齐衡。

三代世表赞

013 三代世表

高辛之胤，大启祯祥。
脩己吞薏，石纽兴王。
天命玄鸟，简狄生商。
姜嫄履迹，祚流岐昌。
俱膺历运，互有兴亡。
风馀周召，刑措成康。
出彘之後，诸侯日彊。

高祖功臣侯者年表赞

018 高祖功臣侯者年表

圣贤影响，风云潜契。
高祖应策，功臣命世。
起沛入秦，凭谋仗计。
纪勋书爵，河盟山誓。
萧曹轻重，绛灌权势。
咸就封国，或萌罪戾。
仁贤者祀，昏虐者替。
永监前修，良惭固蒂。

惠景间侯者年表赞

019 惠景间侯者年表

惠景之际，天下已平。
诸吕构祸，吴楚连兵。
条侯出讨，壮武奉迎。
薄窆恩泽，张赵忠贞。
本枝分荫，肺腑归诚。
新市死事，建陵勋荣。
咸开青社，俱受丹旌。
旋窥甲令，吴便有声。

建元已来王子侯者年表赞

021 建元已来王子侯者年表

汉世之初，矫枉过正。
欲大本枝，先封同姓。
建元已后，藩翰克盛。
主父上言，**推恩**下令。
长沙、**济北**、**中山**、**赵**敬。
分邑广封，振振在咏。
扞城御侮，晔晔辉映。
百足不僵，一人有庆。

乐书赞

024 乐书

乐之所兴，在乎防欲。
陶心畅志，舞手蹈足。
舜曰**箫韶**，融称属续。
审音知**政**，观风变俗。
端如贯珠，清同叩**玉**。
洋洋盈耳，**咸英**馀曲。

律书赞

025 律书

自昔轩后，爰命伶伦。
雄雌是听，厚薄伊均。
以调气候，以轨星辰。
军容取节，**乐器**斯因。
自微知著，测化穷神。
大哉虚受，含养生人。

历书赞

026 历书

历数之兴，其来尚矣。
重黎是司，**容成**斯纪。
推步**天象**，消息**母子**。
五胜轮环，**三正**互起。
孟陬贞岁，**畴人**顺轨。
敬授之方，履端为美。

天官书赞

027 天官书

在天成象，有同影响。
观文察变，其来自往。
天官既书，太史攸掌。
云物必记，星辰可仰。
盈缩匪愆，应验无爽。
至哉玄监，云谁欲网！

封禅书赞

028 封禅书

礼载升中，书称肆类。
古今盛典，皇王能事。
登封报天，降禅除地。
飞英腾实，金泥石记。
汉承遗绪，斯道不坠。
仙闾、肃然，扬休勒志。

河渠书赞

029 河渠书

水之利害，自古而然。
禹疏沟洫，随山濬川。
爰洎後世，非无圣贤。
鸿沟既划，龙骨斯穿。
填阡攸垦，黎蒸有年。
宣房在咏，梁楚获全。

平准书赞

030 平准书

平准之立，通货天下。
既入县官，或振华夏。
其名刀布，其文龙马。
增算告缗，哀多益寡。
弘羊心计，卜式长者。
都内充殷，取贍郊野。

吴太伯世家赞

031 吴太伯世家

太伯作吴，高让雄图。
周章受国，别封於虞。
寿梦初霸，始用兵车。
三子递立，延陵不居。
光既篡位，是称阖闾。
王僚见杀，贼由专诸。
夫差轻越，取败姑苏。
甬东之耻，空惭伍胥。

齐太公世家赞

032 齐太公世家

太公佐周，实乘阴谋。
既表东海，乃居营丘。
小白致霸，九合诸侯。
及溺内宠，衅鍾蟲流。
庄公失德，崔杼作仇。
陈氏专政，厚货轻收。
悼、简遭祸，田、阚非俦。
泯泯馀烈，一变何由？

鲁周公世家赞

033 鲁周公世家

武王既没，成王幼孤。
周公摄政，负宸据图。
及还臣列，北面獻如。
元子封鲁，少昊之墟。
夹辅王室，系职不渝。
降及孝王，穆仲致誉。
隐能让国，春秋之初。
丘明执简，褒贬备书。

燕召公世家赞

034 燕召公世家

召伯作相，分陝而治。
人惠其德，甘棠是思。
庄送霸主，惠罗宠姬。
文公从赵，苏秦骋辞。
易王初立，齐宣我欺。
燕唵无道，禅位子之。
昭王待士，思报临淄。
督亢不就，卒见芟夷。

管蔡世家赞

035 管蔡世家

武王之弟，**管、蔡及霍**。
周公居相，流言是作。
狼跋致艰，**鸱鸢**讨恶。
胡能改行，克复其爵。
献舞**执楚**，遇**息**礼薄。
穆侯**虓齐**，荡舟乖谗。
曹共轻**晋**，**负羈**先觉。
伯阻梦社，祚倾**振铎**。

陈杞世家赞

036 陈杞世家

盛德之祀，必及**百世**。
舜、禹馀烈，**陈、杞**是继。
妫满受封，**东楼**纂系。
阍路篡逆，**夏姬**淫嬖。
二国衰微，或兴或替。
前并後虜，皆亡**楚惠**。
句践勃兴，**田和**吞噬。
蝉联**血食**，岂其**苗裔**？

卫康叔世家赞

037 卫康叔世家

司寇受封，梓材有作。
成锡厥器，夷加其爵。
暨武能脩，从文始约。
诗美归燕，传矜石碣。
皮冠射鸿，乘轩使穀。
宣纵淫嬖，衅生伋、朔。
蒯聩得罪，出公行恶。
卫祚日衰，失於君角。

宋微子世家赞

038 宋微子世家

殷有三仁，微、箕纣亲。
一囚一去，不顾其身。
颂美有客，书称作宾。
卒传冢嗣，或叙彝伦。
微仲之後，世载忠勤。
穆亦能让，实为知人。
伤泓之役，有君无臣。
偃号桀宋，天之弃殷。

晋世家赞

039 晋世家

天命叔虞，卒封於唐。
桐珪既削，河、汾是荒。
文侯虽嗣，曲沃日彊。
未知本末，祚倾桓庄。
献公昏惑，太子罹殃。
重耳致霸，朝周河阳。
灵既丧德，厉亦无防。
四卿侵侮，晋祚遽亡。

楚世家赞

040 楚世家

鬻熊之嗣，周封於楚。
僻在荆蛮，萃路蓝缕。
及通而霸，僭号曰武。
文既伐申，成亦赦许。
子圉篡嫡，商臣杀父。
天祸未悔，凭奸自怙。
昭困奔亡，怀迫囚虏。
顷襄、考烈，祚衰南土。

越王句践世家赞

041 越王句践世家

越祖少康，至于允常。
其子始霸，与吴争疆。
携李之役，阖闾见伤。
会稽之耻，句践欲当。
种诱以利，蠡悉其良。
折节下士，致胆思尝。
卒复雠寇，遂殄大邦。
後不量力，灭於无疆。

郑世家赞

042 郑世家

厉王之子，得封於郑。
代职司徒，缙衣在咏。
虢、郟献邑，祭祀专命。
庄既犯王，厉亦奔命。
居栎克入，梦兰毓庆。
伯服生囚，叔瞻尸聘。
釐、简之後，公室不竞。
负黍虽还，韩哀日盛。

赵世家赞

043 赵世家

赵氏之系，与秦同祖。
周穆平徐，乃封造父。
带始事晋，夙初有土。
岸贾矫诛，韩厥立武。
宝符临代，卒居伯鲁。
简梦翟犬，灵歌处女。
胡服虽强，建立非所。
颇、牧不用，王迁囚虏。

魏世家赞

044 魏世家

毕公之苗，因国为姓。
大名始赏，盈数自正。
胤裔繁昌，系载忠正。
杨王就戮，智氏奔命。
文始建侯，武实彊盛。
大梁东徙，长安北侦。
卯既无功，印亦外聘。
王假削弱，虜於秦政。

韩世家赞

045 韩世家

韩氏之先，实宗周武。
事微国小，春秋无语。
後裔事晋，韩原是处。
赵孤克立，智伯可取。
既徙平阳，又侵负黍。
景赵俱侯，惠又僭主。
秦败脩鱼，魏会区鼠。
韩非虽使，不禁狼虎。

田敬仲完世家赞

046 田敬仲完世家

田完避难，奔于大姜；
始辞羈旅，终然凤皇。
物莫两盛，代五其昌。
二君比犯，三晋争强。
和始擅命，威遂称王。
祭急燕、赵，弟列康、庄。
秦假东帝，莒立法章。
王建失国，松柏苍苍。

孔子世家赞

047 孔子世家

孔子之胄，出于商国。
弗父能让，正考铭勒。
防叔来奔，邹人掎足。
尼丘诞圣，阙里生德。
七十升堂，四方取则。
卯诛两观，掇相夹谷。
歌凤遽衰，泣麟何促！
九流仰镜，万古钦躅。

陈涉世家赞

048 陈涉世家

天下匈匈，海内乏主，
掎鹿争捷，瞻乌爰处。
陈胜首事，厥号张楚。
鬼怪是凭，鸿鹄自许。
葛婴东下，周文西拒。
始亲硃房，又任胡武。
黥颍见杀，腹心不与。
庄贾何人，反噬城父！

外戚世家赞

049 外戚世家

礼贵夫妇，易叙乾坤。
配阳成化，比月居尊。
河洲降淑，天曜垂轩。
德著任、姒，庆流娥、嫫。
逮我炎历，斯道克存。
吕权大宝，窦喜玄言。
自兹已降，立嬖以恩。
内无常主，後嗣不繁。

楚元王世家赞

050 楚元王世家

汉封同姓，楚有令名。
既灭韩信，王於彭城。
穆生置醴，韦孟作程。
王戊弃德，与吴连兵。
太后命礼，为楚罪轻。
文襄继立，世挺才英。
如何赵遂，代殒厥声！
兴亡之兆，所任宜明。

荆燕世家赞

051 荆燕世家

刘贾初从，首定三秦。
既渡白马，遂围寿春。
始迎黥布，绝间周殷。
赏功胙土，与楚为邻。
营陵始爵，勋由击陈。
田生游说，受赐千斤。
权激诸吕，事发荣身。
徙封传嗣，亡於郢人。

齐悼惠王世家赞

052 齐悼惠王世家

汉矫秦制，树屏自疆。
表海大国，悉封齐王。
吕后肆怒，乃献城阳。
哀王嗣立，其力不量。
殊虚仕汉，功大策长。
东牟受赏，称乱贻殃。
胶东、济北，雄渠，辟光。
齐虽七国，忠孝者昌。

萧相国世家赞

053 萧相国世家

萧何为吏，文而无害。
及佐兴王，举宗从沛。
关中既守，转输是赖。
汉军屡疲，秦兵必会。
约法可久，收图可大。
指兽发踪，其功实最。
政称画一，居乃非泰。
继绝宠勤，式旌砺带。

曹相国世家赞

054 曹相国世家

曹参初起，为沛豪吏。
始从中涓，先围善置。
执珪执帛，攻城略地。
衍氏既诛，昆阳失位。
北禽夏说，东讨田溉。
剖符定封，功无与二。
市狱勿扰，清净不事。
尚主平阳，代享其利。

留侯世家赞

055 留侯世家

留侯倜傥，志怀愤惋。
五代相韩，一朝归汉。
进履宜假，运筹神算。
横阻既立，申徒作扞。
灞上扶危，固陵静乱。
人称三杰，辩推八难。
赤松原游，白驹难绊。
嗟彼雄略，曾非魁岸。

陈丞相世家赞

056 陈丞相世家

曲逆穷巷，门多长者。
宰肉先均，佐丧後罢。
魏楚更用，腹心难假。
弃印封金，刺船露裸。
间行归汉，委质麾下。
荥阳计全，平城围解。
推陵让勃，哀多益寡。
应变合权，克定宗社。

绛侯周勃世家赞

057 绛侯周勃世家

绛侯佐汉，质厚敦笃。
始击殳东，亦围尸北。
所攻必取，所讨咸克。
陈豨伏诛，臧荼破国。
事居送往，推功伏德。
列侯还第，太尉下狱。
继相条侯，绍封平曲。
惜哉贤将，父子代辱！

梁孝王世家赞

058 梁孝王世家

文帝少子，徙封於梁。
太后鍾爱，广筑睢阳。
旌旒警蹕，势拟天王。
功扞吴楚，计丑孙羊。
窦婴正议，袁盎劫伤。
汉穷梁狱，冠盖相望。
祸成骄子，致此猖狂。
虽分五国，卒亦不昌。

五宗世家赞

059 五宗世家

景十三子，五宗亲睦。
栗姬既废，临江折轴。
阼于早薨，河间儒服。
馮好官苑，端事驰逐。
江都有才，中山禔福。
长沙地小，胶东造镞。
仁贤者代，淳乱者族。
兒姁四王，分封为六。

三王世家赞

060 三王世家

三王封系，旧史烂然。
褚氏後补，册书存焉。
去病建议，青翟上言。
天子冲挹，志在急贤。
太常具礼，请立齐燕；
閔国负海，旦社惟玄。
宵人不迓，葷粥远边。
明哉监戒，式防厥愆。

伯夷列传赞

061 伯夷列传

天道平分，与善徒云。
贤而饿死，盗且聚群。
吉凶倚伏，报施纠纷。
子罕言命，得自前闻。
嗟彼素士，不附青云！

管晏列传赞

062 管晏列传

夷吾成霸，平仲称贤。
粟乃实廩，豆不掩肩。
转祸为福，危言获全。
孔赖左衽，史忻执鞭。
成礼而去，人望存焉。

老子韩非列传赞

063 老子韩非列传

伯阳立教，清静无为。
道尊东鲁，迹窜西垂。
庄蒙栩栩，申害卑卑。
刑名有术，说难极知。
悲彼周防，终亡李斯。

司马穰苴列传赞

064 司马穰苴列传

燕侵河上，齐师败绩。
婴荐穰苴，武能威敌。
斩贾以徇，三军惊惕。
我卒既彊，彼寇退壁。
法行司马，实赖宗戚。

孙子吴起列传赞

065 孙子吴起列传

孙子兵法，一十三篇。
美人既斩，良将得焉。
其孙臆脚，筹策庞涓。
吴起相魏，西河称贤；
惨礲事楚，死後留权。

伍子胥列传赞

066 伍子胥列传

谗人罔极，交乱四国。
嗟彼伍氏，被兹凶慝！
员独忍诟，志复冤毒。
霸王起师，伐楚逐北。
鞭尸雪耻，抉眼弃德。

仲尼弟子列传赞

067 仲尼弟子列传

教兴阙里，道在聊乡。
异能就列，秀士升堂。
依仁游艺，合志同方。
将师宫尹，俎豆琳琅。
惜哉不霸，空臣素王！

商君列传赞

068 商君列传

卫鞅入秦，景监是因。
王道不用，霸术见亲。
政必改革，礼岂因循。
既欺魏将，亦怨秦人。
如何作法，逆旅不宾！

苏秦列传赞

069 苏秦列传

季子周人，师事鬼谷。
揣摩既就，阴符伏读。
合从离衡，佩印者六。
天王除道，家人扶服。
贤哉代、厉，继荣党族。

张仪列传赞

070 张仪列传

仪未遭时，频被困辱。
及相秦惠，先韩後蜀。
连衡齐魏，倾危诳惑。
陈轸挟权，犀首骋欲。
如何三晋，继有斯德。

樗里子甘茂列传赞

071 樗里子甘茂列传

严君名疾，厥号"智囊"。
既亲且重，称兵外攘。
甘茂并相，初佐魏章。
始推向寿，乃攻宜阳。
甘罗妙岁，卒起张唐。

穰侯列传赞

072 穰侯列传

穰侯智识，应变无方。
内倚太后，外辅昭王。
四登相位，再列封疆。
摧齐挠楚，破魏围梁。
一夫开说，忧愤而亡。

白起王翦列传赞

073 白起王翦列传

白起、王翦，俱善用兵。
递为秦将，拔齐破荆。
赵任马服，长平遂阬。
楚陷李信，霸上卒行。
贲、离继出，三代无名。

孟子荀卿列传赞

074 孟子荀卿列传

六国之末，战胜相雄。
轲游齐、魏，其说不通。
退而著述，称吾道穷。
兰陵事楚，驺衍谈空。
康庄虽列，莫见收功。

孟尝君列传赞

075 孟尝君列传

靖郭之子，威王之孙。
既彊其国，实高其门。
好客喜士，见重平原。
鸡鸣狗盗，魏子、冯暖。
如何承睫，薛县徒存！

平原君虞卿列传赞

076 平原君虞卿列传

翩翩公子，天下奇器。
笑姬从戮，义士增气。
兵解李同，盟定毛遂。
虞卿蹶躄，受赏料事。
及困魏齐，著书见意。

魏公子列传赞

077 魏公子列传

信陵下士，邻国相倾。
以公子故，不敢加兵。
颇知硃亥，尽礼侯嬴。
遂卻晋鄙，终辞赵城。
毛、薛见重，万古希声。

春申君列传赞

078 春申君列传

黄歇辩智，权略秦、楚。
太子获归，身作宰辅。
珠炫赵客，邑开吴土。
烈王寡胤，李园献女。
无妄成灾，硃英徒语。

范雎蔡泽列传赞

079 范雎蔡泽列传

应侯始困，讬载而西，
说行计立，贵平宠稽。
倚秦市赵，卒报魏齐。
纲成辩智，范雎招携。
势利倾夺，一言成蹊。

乐毅列传赞

080 乐毅列传

昌国忠说，人臣所无。
连兵五国，济西为墟。
燕王受间，空闻报书。
义士慷慨，明君轼间。
间、乘继将，芳规不渝。

廉颇蔺相如列传赞

081 廉颇蔺相如列传

清相凛凛，壮气熊熊。
各竭诚义，递为雌雄。
和璧聘返，澠池好通。
负荆知惧，屈节推工。
安边定策，颇、牧之功。

田单列传赞

082 田单列传

军法以正，实尚奇兵。
断轴自免，反间先行。
群鸟或众，五牛扬旌。
卒破骑劫，皆复齐城。
襄王嗣位，乃封安平。

鲁仲连邹阳列传赞

083 鲁仲连邹阳列传

鲁连达士，高才远致。
释难解纷，辞禄肆志。
齐将挫辩，燕军沮气。
邹子遇谗，见诋狱吏。
慷慨献说，时王所器。

屈原贾生列传赞

084 屈原贾生列传

屈平行正，以事怀王。
瑾瑜比洁，日月争光。
忠而见放，谗者益章。
赋骚见志，怀沙自伤。
百年之後，空悲吊湘。

吕不韦列传赞

085 吕不韦列传

不韦钓奇，委质子楚。
华阳立嗣，邯郸献女。
及封河南，乃号仲父。
徙蜀惩谤，悬金作语。
筹策既成，富贵斯取。

刺客列传赞

086 刺客列传

曹沫盟柯，返鲁侵地。
专诸进炙，定吴篡位。
彰弟哭市，报主涂厕。
刎颈申冤，操袖行事。
暴秦夺魄，懦夫增气。

李斯列传赞

087 李斯列传

鼠在所居，人固择地。
斯效智力，功立名遂。
置酒咸阳，人臣极位。
一夫诬惑，变易神器。
国丧身迷，本同末异。

蒙恬列传赞

088 蒙恬列传

蒙氏秦将，内史忠贤。
长城首筑，万里安边。
赵高矫制，扶苏死焉。
绝地何罪？劳人是愆。
呼天欲诉，三代良然。

张耳陈馀列传赞

089 张耳陈馀列传

张耳、陈馀，天下豪俊。
忘年羁旅，刎颈相信。
耳围钜鹿，馀兵不进。
张既望深，陈乃去印。
势利倾夺，隙未成衅。

魏豹彭越列传赞

090 魏豹彭越列传

魏咎兄弟，因时而王。
豹後属楚，其国遂亡。
仲起昌邑，归汉外黄。
往来声援，再续军粮。
徵兵不往，蒗醢何伤。

黥布列传赞

091 黥布列传

九江初筮，当刑而王。
既免徒中，聚盗江上。
再雄楚卒，频破秦将。
病为羽疑，归受汉杖。
贲赫见毁，卒致无妄。

淮阴侯列传赞

092 淮阴侯列传

君臣一体，自古所难。
相国深荐，策拜登坛。
沈沙决水，拔帜传餐。
与汉汉重，归楚楚安。
三分不议，伪游可叹。

韩信卢绾列传赞

093 韩信卢绾列传

韩襄遗孽，始从汉中。
剖符南面，徙邑北通。
贲当归国，龙雒有功。
卢绾亲爱，群臣莫同。
旧燕是王，东胡计穷。

田儋列传赞

094 田儋列传

秦项之际，天下交兵。
六国树党，自置豪英。
田儋殒寇，立市相荣。
楚封王假，齐破郚生。
兄弟更王，海岛传声。

樊郦滕灌列传赞

095 樊郦滕灌列传

圣贤影响，云蒸龙变。
屠狗贩缯，攻城野战。
扶义西上，受封南面。
郦况卖交，舞阳内援。
滕灌更王，奕叶繁衍。

张丞相列传赞

096 张丞相列传

张苍主计，天下作程。
孙臣始绌，秦历尚行。
御史亚相，相国阿衡。
申屠面折，周子廷争。
其他妮々，无所发明。

酈生陆贾列传赞

097 酈生陆贾列传

广野大度，始冠侧注。
踵门长揖，深器重遇。
说齐历下，趣鼎何惧。
陆贾使越，尉佗慑怖。
相说国安，书成主悟。

傅靳蒯成列传赞

098 傅靳蒯成列传

阳陵、信武，结发从汉。
动叶人谋，功实天赞。
定齐破项，我军常冠。
蒯成委质，夷险不乱。
主上称忠，人臣鸽腕。

刘敬叔孙通列传赞

099 刘敬叔孙通列传

厦藉众幹，裘非一狐。
委辂献说，醢蕞陈书。
皇帝始贵，车驾西都。
既安太子，又和匈奴。
奉春、稷嗣，其功可图。

季布栾布列传赞

100 季布栾布列传

季布、季心，有声梁、楚。

百金然诺，十万致距。

出守河东，股肱是与。

栾布哭越，犯禁见虏。

赴鼎非冤，诚知所处。

袁盎晁错列传赞

101 袁盎晁错列传

袁丝公直，亦多附会。

揽辔见重，卻席翳赖。

朝错建策，屡陈利害。

尊主卑臣，家危国泰。

悲彼二子，名立身败！

张释之冯唐列传赞

102 张释之冯唐列传

张季未偶，见识袁盎。

太子惧法，嗇夫无状。

惊马罚金，盗环悟上。

冯公白首，味哉论将。

因对李齐，收功魏尚。

万石张叔列传赞

103 万石张叔列传

万石孝谨，自家形国。
郎中数马，内史匍匐。
缙无他肠，塞有阴德。
刑名张欧，垂涕恤狱。
敏行讷言，俱嗣芳躅。

田叔列传赞

104 田叔列传

田叔长者，重义轻生。
张王既雪，汉中是荣。
孟舒见废，抗说相明。
按梁以礼，相鲁得情。
子仁坐事，刺举有声。

扁鹊仓公列传赞

105 扁鹊仓公列传

上池秘术，长桑所传。
始候赵简，知梦钧天。
言占虢嗣，尸蹶起焉。
仓公赎罪，阳庆推贤。
效验多状，式具于篇。

吴王濞列传赞

106 吴王濞列传

吴楚轻悍，王濞倍德。
富因采山，衅成提局。
僬矜贰志，连结七国。
婴命始监，错诛未塞。
天之悔祸，卒取奔北。

魏其武安侯列传赞

107 魏其武安侯列传

窦婴、田蚡，势利相雄。
咸倚外戚，或恃军功。
灌夫自喜，引重其中。
意气杯酒，辟睨两宫。
事竟不直，冤哉二公！

韩长孺列传赞

108 韩长孺列传

安国忠厚，初为梁将。
因事坐法，免徒起相。
死灰更然，生虜失防。
推贤见重，贿金贻谤。
雪泣悟主，臣节可亮。

李将军列传赞

109 李将军列传

猿臂善射，实负其能。
解鞍卻敌，圆阵摧锋。
边郡屡守，大军再从。
失道见斥，数奇不封。
惜哉名将，天下无双！

匈奴列传赞

110 匈奴列传

獫狁、薰粥，居于北边。
既称夏裔，式憬周篇。
颇随畜牧，屡扰尘烟。
爰自冒顿，尤聚控弦。
虽空帑藏，未尽中权。

卫将军骠骑列传赞

111 卫将军骠骑列传

君子豹变，贵贱何常。
青本奴虏，忽升戎行。
姊配皇极，身尚平阳。
宠荣斯僭，取乱彝章。
嫖姚继踵，再静边方。

平津侯主父列传赞

112 平津侯主父列传

平津巨儒，晚年始遇。
外示宽俭，内怀嫉妒。
宠备荣爵，身受肺腑。
主父推恩，观时设度。
生食五鼎，死非时蠹。

南越列传赞

113 南越列传

太史公曰：
尉佗之王，本由任嚣。
遭汉初定，列为诸侯。
隆虑离湿疫，佗得以益骄。
瓠骆相攻，南越动摇。
汉兵临境，婴齐入朝。
其後亡国，徵自繆女；
吕嘉小忠，令佗无後。
楼船从欲，怠傲失惑；
伏波困穷，智虑愈殖，因祸为福。
成败之转，譬若纠墨。
中原鹿走，群雄莫制。
汉事西驱，越权南裔。
陆贾骋说，尉佗去帝。
繆后内朝，吕嘉狼戾。
君臣不协，卒从剿弃。

东越列传赞

114 东越列传

句践之裔，是曰无诸。
既席汉宠，实因秦馀。
驺、骆为姓，闽中是居。
王摇之立，爰处东隅。
後嗣不道，自相诛锄。

朝鲜列传赞

115 朝鲜列传

卫满燕人，朝鲜是王。
王险置都，路人作相。
右渠首差，涉何调上。
兆祸自斯，狐疑二将。
山、遂伏法，纷纭无状。

西南夷列传赞

116 西南夷列传

西南外徼，庄蹻首通。
汉因大夏，乃命唐蒙。
劳洸、靡莫，异俗殊风。
夜郎最大，邛、笮称雄。
及置郡县，万代推功。

司马相如列传赞

117 司马相如列传

相如纵诞，窃货卓氏。
其学无方，其才足倚。
子虚过吒，上林非侈。
四马还邛，百金献伎。
惜哉封禪，遗文卓尔。

淮南衡山列传赞

118 淮南衡山列传

淮南多横，举事非正。
天子宽仁，其过不更。
轘车致祸，斗粟成咏。
王安好学，女陵作诮。
兄弟不和，倾国殒命。

循吏列传赞

119 循吏列传

奉职循理，为政之先。
恤人体国，良史述焉。
叔孙、郑产，自昔称贤。
拔葵一利，赦父非憊。
李离伏剑，为法而然。

汲郑列传赞

120 汲郑列传

河南矫制，自古称贤。
淮南卧理，天子伏焉。
积薪兴叹，伉直愈坚。
郑庄推士，天下翕然。
交道势利，翟公怆旃。

儒林列传赞

121 儒林列传

孔氏之衰，经书绪乱。
言诸六学，始自炎汉。
著令立官，四方鸽腕。
曲台坏壁，书礼之冠。
传易言诗，云蒸雾散。
兴化致理，鸿猷克赞。

酷吏列传赞

122 酷吏列传

太上失德，法令滋起。
破觚为圆，禁暴不止。
奸伪斯炽，惨酷爰始。
乳兽扬威，苍鹰侧视。
舞文巧诋，怀生何恃！

大宛列传赞

123 大宛列传

大宛之迹，元因博望。
始究河源，旋窥海上。
条枝西入，天马内向。
葱岭无尘，盐池息浪。
旷哉绝域，往往亭障。

游侠列传赞

124 游侠列传

游侠豪倨，藉藉有声。
权行州里，力折公卿。
朱家脱季，剧孟定倾。
急人之难，免讎于更。
伟哉翁伯，人貌荣名。

佞幸列传赞

125 佞幸列传

传称令色，诗刺巧言。
冠璘入侍，傅粉承恩。
黄头赐蜀，宦者同轩。
新声都尉，挟弹王孙。
泣鱼窃驾，著自前论。

滑稽列传赞

126 滑稽列传

滑稽鸱夷，如脂如韦。
敏捷之变，学不失词。
淳于索绝，赵国兴师。
楚优拒相，寝丘获祠。
伟哉方朔，三章纪之。

日者列传赞

127 日者列传

日者之名，有自来矣。
吉凶占候，著於墨子。
齐楚异法，书亡罕纪。
後人斯继，季主独美。
取免暴秦，此焉终否。

龟策列传赞

128 龟策列传

三王异龟，五帝殊卜。
或长或短，若瓦若玉。
其记已亡，其繇後续。
江使触网，见留宋国。
神能托梦，不卫其足。

货殖列传赞

129 货殖列传

货殖之利，工商是营。
废居善积，倚市邪赢。
白圭富国，计然强兵。
倮参朝请，女筑怀清。
素封千户，卓郑齐名。

太史公自序赞

130 太史公自序

太史良才，寔纂先德。
周游历览，东西南北。
事覈词简，是称实录。
报任投书，申李下狱。
惜哉残缺，非才妄续！

诗歌（11篇）

史记中收录的诗歌作品

泰山刻石

006 秦始皇本纪

皇帝临位，作制明法，臣下脩饬。
二十有六年，初并天下，罔不宾服。
亲巡远方黎民，登兹泰山，周览东极。
从臣思迹，本原事业，祇诵功德。
治道运行，诸产得宜，皆有法式。
大义休明，垂于後世，顺承勿革。
皇帝躬圣，既平天下，不懈於治。
夙兴夜寐，建设长利，专隆教诲。
训经宣达，远近毕理，咸承圣志。
贵贱分明，男女礼顺，慎遵职事。
昭隔内外，靡不清净，施于後嗣。
化及无穷，遵奉遗诏，永承重戒。

琅邪台刻石

006 秦始皇本纪

维二十八年，皇帝作始。

端平法度，万物之纪。

以明人事，合同父子。

圣智仁义，显白道理。

东抚东土，以省卒士。

事已大毕，乃临于海。

皇帝之功，劝劳本事。

上农除末，黔首是富。

普天之下，抃心揖志。

器械一量，同书文字。

日月所照，舟舆所载。

皆终其命，莫不得意。

应时动事，是维皇帝。

匡饬异俗，陵水经地。

忧恤黔首，朝夕不懈。

除疑定法，咸知所辟。

方伯分职，诸治经易。

举措必当，莫不如画。

皇帝之明，临察四方。

尊卑贵贱，不逾次行。

奸邪不容，皆务贞良。

细大尽力，莫敢怠荒。

远迩辟隐，专务肃庄。

端直敦忠，事业有常。

皇帝之德，存定四极。

诛乱除害，兴利致福。

节事以时，诸产繁殖。

黔首安宁，不用兵革。
六亲相保，终无寇贼。
驩欣奉教，尽知法式。
六合之内，皇帝之土。
西涉流沙，南尽北户。
东有东海，北过大夏。
人迹所至，无不臣者。
功盖五帝，泽及牛马。
莫不受德，各安其宇。

之罘刻石

006 秦始皇本纪

维二十九年，时在中春，阳和方起。
皇帝东游，巡登之罘，临照于海。
从臣嘉观，原念休烈，追诵本始。
大圣作治，建定法度，显著纲纪。
外教诸侯，光施文惠，明以义理。
六国回辟，贪戾无厌，虐杀不已。
皇帝哀众，遂发讨师，奋扬武德。
义诛信行，威燁旁达，莫不宾服。
烹灭彊暴，振救黔首，周定四极。
普施明法，经纬天下，永为仪则。
大矣哉！宇县之中，承顺圣意。
群臣诵功，请刻于石，表垂于常式。

之罘东观刻石

006 秦始皇本纪

维二十九年，皇帝春游，览省远方。
逮于海隅，遂登之罘，昭临朝阳。
观望广丽，从臣咸念，原道至明。
圣法初兴，清理疆内，外诛暴彊。
武威旁暢，振动四极，禽灭六王。
阡并天下，甯害绝息，永偃戎兵。
皇帝明德，经理宇内，视听不怠。
作立大义，昭设备器，咸有章旗。
职臣遵分，各知所行，事无嫌疑。
黔首改化，远迩同度，临古绝尤。
常职既定，後嗣循业，长承圣治。
群臣嘉德，祇诵圣烈，请刻之罘。

碣石门刻石

006 秦始皇本纪

遂兴师旅，诛戮无道，为逆灭息。
武殄暴逆，文复无罪，庶心咸服。
惠论功劳，赏及牛马，恩肥土域。
皇帝奋威，德并诸侯，初一泰平。
墮坏城郭，决通川防，夷去险阻。
地势既定，黎庶无繇，天下咸抚。
男乐其畴，女修其业，事各有序。
惠被诸产，久并来田，莫不安所。
群臣诵烈，请刻此石，垂著仪矩。

会稽刻石

006 秦始皇本纪

皇帝休烈，平一宇内，德惠脩长。
三十有七年，亲巡天下，周览远方。
遂登会稽，宣省习俗，黔首斋庄。
群臣诵功，本原事迹，追首高明。
秦圣临国，始定刑名，显陈旧章。
初平法式，审别职任，以立恆常。
六王专倍，贪戾沓猛，率众自彊。
暴虐恣行，负力而骄，数动甲兵。
阴通间使，以事合从，行为辟方。
内饰诈谋，外来侵边，遂起祸殃。
义威诛之，殄熄暴悖，乱贼灭亡。
圣德广密，六合之中，被泽无疆。
皇帝并宇，兼听万事，远近毕清。
运理群物，考验事实，各载其名。
贵贱并通，善否陈前，靡有隐情。
饰省宣义，有子而嫁，倍死不贞。
防隔内外，禁止淫泆，男女絜诚。
夫为寄猓，杀之无罪，男秉义程。
妻为逃嫁，子不得母，咸化廉清。
大治濯俗，天下承风，蒙被休经。
皆遵度轨，和安敦勉，莫不顺令。
黔首脩絜，人乐同则，嘉保太平。
後敬奉法，常治无极，輿舟不倾。
从臣诵烈，请刻此石，光垂休铭。

垓下歌

007 项羽本纪

“力拔山兮气盖世，时不利兮**雅**不逝。**雅**不逝兮可奈何，**虞**兮**虞**兮奈若何！”

大风歌

008 高祖本纪

“大风起兮云飞扬，威加海内兮归故乡，安得猛士兮守四方！”

鸿鹄歌

009 吕太后本纪

“诸**吕**用事兮**刘氏**危，迫胁**王侯**兮疆授我妃。我妃既妒兮诬我以恶，谗女乱国兮上曾不寤。我无**忠臣**兮何故弃国？自决中野兮**苍天**举直！于嗟不可悔兮宁蚤自财。为王而饿死兮谁者怜之！**吕氏**绝理兮托天报仇。”

天马歌

024 乐书

“**太一**贡兮天**马**下，霑赤汗兮沫流赭。骋容与兮跼**万里**，今安匹兮**龙**为友。”

天马歌

024 乐书

“天马来兮从西极，经万里兮归有德。承灵威兮降外国，涉流沙兮四夷服。”

赋（5篇）

史记中收录的赋体文学作品

怀沙赋

084 屈原贾生列传

乃作怀沙之赋。其辞曰：

陶陶孟夏兮，草木莽莽。伤怀永哀兮，汨徂南土。眇兮窈窕，孔静幽墨。冤结纆轸兮，离愍之长鞠；抚情效志兮，俯拙以自抑。

刑方以为圜兮，常度未替；易初本由兮，君子所鄙。章画职墨兮，前度未改；内直质重兮，大人所盛。巧匠不斫兮，孰察其揆正？玄文幽处兮，矇谓之不章；离娄微睇兮，瞽以为无明。变白而为黑兮，倒上以为下。凤皇在笱兮，鸡雉翔舞。同糅玉石兮，一而相量。夫党人之鄙妒兮，羌不知吾所臧。任重载盛兮，陷滞而不济；怀瑾握瑜兮，穷不得余所示。邑犬群吠兮，吠所怪也；诽骏疑桀兮，固庸态也。文质疏内兮，众不知吾之异采；材朴委积兮，莫知余之所有。重仁袭义兮，谨厚以为丰；重华不可悟兮，孰知余之从容！古固有不并兮，岂知其故也？汤禹久远兮，邈不可慕也。愆违改忿兮，抑心而自彊；离潜而不迁兮，原志之有象。进路北次兮，日昧昧其将暮；含忧虞哀兮，限之以大故。

乱曰：浩浩沅、湘兮，分流汨兮。脩路幽拂兮，道远忽兮。曾唼恆悲兮，永叹慨兮。世既莫吾知兮，人心不可谓兮。怀情抱质兮，独无匹兮。伯乐既歿兮，骥将焉程兮？人生稟命兮，各有所错兮。定心广

志，余何畏惧兮？曾伤爱哀，永叹喟兮。世溷不吾知，心不可谓兮。知死不可让兮，原勿爱兮。明以告君子兮，吾将以为类兮。

吊屈原赋

084 屈原贾生列传

贾生既辞往行，闻长沙卑湿，自以寿不得长，又以谪去，意不自得。及渡湘水，为赋以吊屈原。其辞曰：

共承嘉惠兮，俟罪长沙。侧闻屈原兮，自沈汨罗。造托湘流兮，敬吊先生。遭世罔极兮，乃陨厥身。呜呼哀哉，逢时不祥！鸾凤伏窜兮，鸱枭翱翔。阉茸尊显兮，谗谀得志；贤圣逆曳兮，方正倒植。世谓伯夷贪兮，谓盗跖廉；莫邪为顿兮，铅刀为铍。于嗟嚶兮，生之无故！斡弃周鼎兮宝康瓠，腾驾罢生兮骖蹇驴，骥垂两耳兮服盐车。章甫荐屨兮，渐不可久；嗟苦先生兮，独离此咎！

讯曰：已矣，国其莫我知，独堙郁兮其谁语？凤飘飘其高遯兮，夫固自缩而远去。袭九渊之神龙兮，沕深潜以自珍。弥融爚以隐处兮，夫岂从螾与蛭螾？所贵圣人之神德兮，远浊世而自藏。使骐驎可得系羈兮，岂云异夫犬羊！般纷纷其离此尤兮，亦夫子之辜也！瞿九州而相君兮，何必怀此都也？凤皇翔于千仞之上兮，览德军而下之；见细德之险兮，摇增翮逝而去之。彼寻常之汙渎兮，岂能容吞舟之鱼！横江湖之鱣鲸兮，固将制於蚁蝼。

鸛鸟赋

084 屈原贾生列传

贾生为长沙王太傅三年，有鸛飞入贾生舍，止于坐隅。楚人命鸛曰“服”。贾生既以適居长沙，长沙卑湿，自以为寿不得长，伤悼之，乃为赋以自广。其辞曰：

单阏之岁兮，四月孟夏，庚子日施兮，服集予舍，止于坐隅，貌甚闲暇。异物来集兮，私怪其故，发书占之兮，筮言其度。曰“野鸟入处兮，主人将去”。请问于服兮：“予去何之？吉乎告我，凶言其菑。淹数之度兮，语予其期。”服乃叹息，举首奋翼，口不能言，请对以意。

万物变化兮，固无休息。斡流而迁兮，或推而还。形气转续兮，变化而嬗。沕穆无穷兮，胡可胜言！祸兮福所倚，福兮祸所伏；忧喜聚门兮，吉凶同域。彼吴彊大兮，夫差以败；越栖会稽兮，句践霸世。斯游遂成兮，卒被五刑；傅说胥靡兮，乃相武丁。夫祸之与福兮，何异纠缠。命不可说兮，孰知其极？水激则旱兮，矢激则远。万物回薄兮，振荡相转。云蒸雨降兮，错缪相纷。大专槃物兮，块轧无垠。天不可与虑兮，道不可与谋。迟数有命兮，恶识其时？

且夫天地为炉兮，造化为工；阴阳为炭兮，万物为铜。合散消息兮，安有常则；千变万化兮，未始有极。忽然为人兮，何足控抟；化为异物兮，又何足患！小知自私兮，贱彼贵我；通人大观兮，物无不可。贪夫徇财兮，烈士徇名；夸者死权兮，品庶冯生。述迫之徒兮，或趋

西东；大人不曲兮，亿变齐同。拘士系俗兮，羸如囚拘；至人遗物兮，独与道俱。众人或或兮，好恶积意；真人淡漠兮，独与道息。释知遗形兮，超然自丧；寥廓忽荒兮，与道翱翔。乘流则逝兮，得坻则止；纵躯委命兮，不私与己。其生若浮兮，其死若休；澹乎若深渊之静，汎乎若不系之舟。不以生故自宝兮，养空而浮；德人无累兮，知命不忧。细故殍兮，何足以疑！

子虚上林赋

117 司马相如列传

居久之，蜀人杨得意为狗监，侍上。上读子虚赋而善之，曰：“朕独不得与此人同时哉！”得意曰：“臣邑人司马相如自言为此赋。”上惊，乃召问相如。相如曰：“有是。然此乃诸侯之事，未足观也。请为天子游猎赋，赋成奏之。”上许，令尚书给笔札。相如以“子虚”，虚言也，为楚称；“乌有先生”者，乌有此事也，为齐难；“无是公”者，无是人也，明天子之义。故空藉此三人为辞，以推天子诸侯之苑囿。其卒章归之於节俭，因以风谏。奏之天子，天子大说。其辞曰：

楚使子虚使於齐，齐王悉发境内之士，备车骑之众，与使者出田。田罢，子虚过詔乌有先生，而无是公在焉。坐定，乌有先生问曰：“今日田乐乎？”子虚曰：“乐。”“获多乎？”曰：“少。”“然则何乐？”曰：“仆乐齐王之欲夸仆以车骑之众，而仆对以云梦之事也。”“曰：”可得闻乎？”

子虚曰：“可。王驾车千乘，选徒万骑，田於海滨。列卒满泽，罟罔弥山，揜兔獐鹿，射麋脚麟。鸢於盐浦，割鲜染轮。射中获多，矜而自功。顾谓仆曰：‘楚亦有平原广泽游猎之地饶乐若此者乎？楚王之猎何与寡人？’

仆下车对曰：‘臣，楚国之鄙人也，幸得宿卫十有馀年，时从出游，游於後园，览於有无，然犹未能遍睹也，又恶足以言其外泽者乎！’

齐王曰：‘虽然，略以子之所闻见而言之。’

“仆对曰：‘唯唯。臣闻楚有七泽，尝见其一，未睹其馀也。臣之所见，盖特其小小者耳，名曰云梦。云梦者，方九百里，其中有山焉。其山则盘纡峩郁，隆崇崔嵬；岑岩参差，日月蔽亏；交错纠纷，上干青云；罢池陂沅，下属江河。其土则丹青赭垩，雌黄白附，锡碧金银，众色炫燿，照烂龙鳞。其石则赤玉玫瑰，琳琅璵璠，璚玖玄厉，萩石武夫。其东则有蕙圃衡兰，芷若射干，穹穷昌蒲，江离麋芜，诸蔗獐且。其南则有平原广泽，登降纒靡，案衍坛曼，缘以大江，限以巫山。其高燥则生葳蕤苞荔，薛莎青蘋。其卑湿则生藏蓂蒹葭，东蒿雕胡，莲藕菰芦，菴{芎}间{芎}轩芋，物居之，不可胜图。其西则有涌泉清池，激水推移；外发芙蓉菱华，内隐钜石白沙。其中则有神龟蛟鼉，玳瑁鳖鼃。其北则有阴林巨树，榧菜豫章，桂椒木兰，离硃杨，楂榭枣栗，橘柚芬芳。其上则有赤猿蠪螭，鸕雏孔鸾，腾远射干。其下则有白虎玄豹，蝮蜒獬豸，兕象野犀，穷奇獫狁。

“‘於是乃使专诸之伦，手格此兽。楚王乃驾驯驳之驷，乘雕玉之舆，靡鱼须之桡旃，曳明月之珠旗，建干将之雄戟，左乌号之雕弓，右夏服之劲箭；阳子骖乘，纒阿为御；案节未舒，即陵狡兽，犇邛邛，楛距虚，轶野马而湜騊駼，乘遗风而射游骐；儵眇凄冽，雷动燖至，星流霆击，弓不虚发，中必决眦，洞胸达腋，绝乎心系，获若雨兽，揜草蔽地。於是楚王乃弭节裴回，翱翔容与，览乎阴林，观壮士之暴怒，与猛兽之恐惧，徼受诟，殫睹物之变态。

“‘於是郑女曼姬，被阿锡，揄纒缟，囊纤罗，垂雾縠；褰积褰约，

纡徐委曲，郁桡谿谷；粉粉袞袞，扬袞恤削，蜚纤垂髻；扶与猗靡，吸呷萃蔡，下摩兰蕙，上拂羽盖，错翡翠之威蕤，缪绕玉绥；缥乎忽忽，若神仙之仿佛。

“‘於是乃相与獠於蕙圃，罽珊勃窣上金隄，揜翡翠，射鷁璘，微矰出，纡缴施，弋白鹄，连驾鹅，双鸽下，玄鹤加。怠而後发，游於清池；浮文鹜，扬桂枻，张翠帷，建羽盖，罔玳瑁，钓紫贝；攄金鼓，吹鸣籥，榜人歌，声流喝，水蟲骇，波鸿沸，涌泉起，奔扬会，礚石相击，硠硠湔湔，若雷霆之声，闻乎数百里之外。

“‘将息獠者，击灵鼓，起烽燧，车案行，骑就队，纒乎淫淫，班乎裔裔。於是楚王乃登阳云之台，泊乎无为，澹乎自持，勺药之和具而後御之。不若大王终日驰骋而不下舆，脔割轮淬，自以为娱。臣窃观之，齐殆不如。’

於是王默然无以应仆也。”

乌有先生曰：“是何言之过也！足下不远千里，来况齐国，王悉发境内之士，而备车骑之众，以出田，乃欲戮力致获，以娱左右也，何名为夸哉！问楚地之有无者，原闻大国之风烈，先生之馀论也。今足下不称楚王之德厚，而盛推云梦以为高，奢言淫乐而显侈靡，窃为足下不取也。必若所言，固非楚国之美也。有而言之，是章君之恶；无而言之，是害足下之信。章君之恶而伤私义，二者无一可，而先生行之，必且轻於齐而累於楚矣。且齐东踰巨海，南有琅邪，观乎成山，射乎之罘，浮勃澥，游孟诸，邪与肃慎为邻，右以汤谷为界，秋田乎青丘，傍徨乎海外，吞若云梦者八九，其於胸中曾不蒂芥。若

“於是乎崇山巖崑，崔巍嵯峨，深林鉅木，嶄岩參嵯，九峩、巖，南山峨峨，岩紘顛錡，摧姿崛崎，振谿通谷，蹇产沟渎，谿呀谿閭，轆陵别岛，崑魄岩痍，丘虚崛嶮，隐辘郁轔，登降施靡，陂池獬豸，沈溶淫鬻，散涣夷陆，亭皋千里，靡不被筑。掩以绿蕙，被以江离，糝以靡芜，杂以流夷。尊结缕，攢戾莎，揭车衡兰，本射干，苾姜蕤荷，葳橙若荔，鲜枝黄砾，蒋茅青蘋，布濩閔泽，延曼太原，丽靡广衍，应风披靡，吐芳扬烈，郁郁斐斐，众香发越，肸蚩布写，舖苾勃。”於是乎周览泛观，瞋盼轧沕，芒芒恍忽，视之无端，察之无崖。日出东沼，入於西陂。其南则隆冬生长，踊水跃波；兽则倮旄毳毼，沈牛麋麋，赤首圜题，穷奇象犀。其北则盛夏含冻裂地，涉冰揭河；兽则麒麟角浥，麴駮橐辰，蛩蛩驪騊，馱馱驴骡。

“於是乎离宫别馆，弥山跨谷，高廊四注，重坐曲阁，华榱璧珰，辇道纒属，步眇周流，长途中宿。夷颺筑堂，累台增成，岩突洞房，俯杳眇而无见，仰攀橑而扞天，奔星更於閨闑，宛虹拖於楹轩。青虬蚺螭於东箱，象舆婉蝉於西清，灵囿燕於间观，偃佺之伦暴於南荣，醴泉涌於清室，通川过乎中庭。槃石振崖，嵌岩倚倾，嵯峨礧醜，刻削峥嶸，玫瑰碧琳，珊瑚丛生，漾玉旁唐，瑯编文鳞，赤瑕驳萃，杂沓其间，垂绥琬琰，和氏出焉。

“於是乎卢橘夏孰，黄甘橙棣，枇杷燃柿，棃柰厚朴，枣杨梅，櫻桃蒲陶，隐夫郁棣，搭濛荔枝，罗乎後宫，列乎北园。萃丘陵，下平原，扬翠叶，机紫茎，发红华，秀殊荣，煌煌扈扈，照曜鉅野。沙棠栌櫚，华汜奩栌，留落胥馀，仁频并闕，欂檀木兰，豫章女贞，长千仞，大连抱，夸条直暢，实叶蓂茂，攢立丛倚，连卷累

侷，崔错骖，阼衡間砢，垂条扶於，落英幡纒，纷容萧蓼，旖旎从风，浏莅吸，盖象金石之声，管籥之音。柴池茆虎，旋环後宫，杂遝累辑，被山缘谷，循阪下隰，视之无端，究之无穷。

“於是玄猿素雌，蝮虺飞鷗，蛭蝮蠃螋，蜥胡蛭，栖息乎其间；长啸哀鸣，翩幡互经，夭蟻枝格，偃蹇杪颠。於是乎踰绝梁，腾殊榛，捷垂条，踔稀间，牢落陆离，烂曼远迁。

“若此辈者，数千百处。嬉游往来，宫宿馆舍，庖厨不徙，後宫不移，百官备具。

“於是乎背秋涉冬，天子校猎。乘镂象，六玉虬，拖蜺旌，靡云旗，前皮轩，後道游；孙叔奉轡，卫公骖乘，扈从横行，出乎四校之中。鼓严簿，纵獠者，江河为陆，泰山为橹，车骑雷起，隐天动地，先後陆离，离散别追，淫淫裔裔，缘陵流泽，云布雨施。”

“生貔豹，搏豺狼，手熊罴，足野羊，蒙鹞苏，跨白虎，被幽文，跨野马。陵三颿之危，下碛历之坻；徑鶩赴险，越壑厉水。推蜚廉，弄解豸，格瑕蛤，鋌猛氏，胃驪裹，射封豕。箭不苟害，解脰陷脑；弓不虚发，应声而倒。於是乎乘舆弥节裴回，翱翔往来，睨部曲之进退，览将率之变态。然後浸潭促节，儵复远去，流离轻禽，榻履狡兽，转白鹿，捷狡兔，轶赤电，遗光耀，追怪物，出宇宙，弯繁弱，满白羽，射游臬，栝蜚虞，择肉後发，先中命处，弦矢分，艺殪仆。

“然後扬节而上浮，陵惊风，历骇杳，乘虚无，与神俱，辔玄鹤，乱

昆鸡。遁孔鸾，促鷓鴣，拂鹭鸟，捎凤皇，捷鸳鸯，掩焦明。

“道尽涂殫，回车而还。招摇乎襄羊，降集乎北纮，率乎直指，闾乎反乡。”道尽涂殫，回车而还。招摇乎襄羊，降集乎北纮，率乎直指，闾乎反乡。蹶石，历封峦，过义鹊，望露寒，下棠梨，息宜春，西驰宣曲，濯鹩牛首，登龙台，掩细柳，观士大夫之勤略，钩獠者之所得获。徒车之所辘轳，乘骑之所蹂若，人民之所蹈蹶，与其穷极倦，惊悼惴伏，不被创刃而死者，佗佗籍籍，填阬满谷，揜平弥泽。

“於是乎游戏懈怠，置酒乎昊天之上，张乐乎鞀鞀之宇；撞千石之钟，立万石之钜；建翠华之旗，树灵囿之鼓。奏陶唐氏之舞，听葛天氏之歌，千人唱，万人和，山陵为之震动，川谷为之荡波。巴俞宋蔡，淮南于遮，文成颠歌，族举递奏，金鼓迭起，铿鎗钜割，洞心骇耳。荆吴郑卫之声，韶濩武象之乐，阴淫案衍之音，鄢郢缤纷，激楚结风，俳优侏儒，狄鞮之倡，所以娱耳目而乐心意者，丽靡烂漫於前，靡曼美色於後。

“若夫青琴宓妃之徒，绝殊离俗，姣冶嫫都，靓庄刻饬，便嬛绰约，柔桡嫫嫫，妩媚佞弱；搆独茧之褕袿，眇阎易以戎削，编媠黼黻，与世殊服；芬香沇郁，酷烈淑郁；皓齿粲烂，宜笑的皪；长眉连娟，微睇醜藐；色授魂与，心愉於侧。

“於是酒中乐酣，天子芒然而思，似若有亡。曰：‘嗟乎，此泰奢侈！朕以览听馀’於是酒中乐酣，天子芒然而思，似若有亡。曰：

‘嗟乎，此泰奢侈！朕以览听馀间，无事弃日，顺天道以杀伐，时休息於此，恐後世靡丽，遂往而不反，非所以为继嗣创业垂统也。’

於是乃解酒罢猎，而命有司曰：‘地可以垦辟，悉为农郊，以瞻萌隶；隤墙填堑，使山泽之民得至焉。实陂池而勿禁，虚宫观而勿仞。发仓廩以振贫穷，补不足，恤鰥寡，存孤独。出德号，省刑罚，改制度，易服色，更正朔，与天下为始。’

“於是历吉日以齐戒，袭朝衣，乘法驾，建华旗，鸣玉鸾，游乎六艺之囿，骛乎仁义之涂，览观春秋之林，射狸首，兼骑虞，弋玄鹤，建于威，载云鹓，揜群雅，悲伐檀，乐乐胥，修容乎礼园，翱翔乎书圃，述易道，放怪兽，登明堂，坐清庙，恣群臣，奏得失，四海之内，靡不受获。於斯之时，天下大说，乡风而听，随流而化，喟然兴道而迁义，刑错而不用，德隆乎三皇，功羨於五帝。若此，故猎乃可喜也。

“若夫终日暴露驰骋，劳神苦形，罢车马之用，抗士卒之精，费府库之财，而无德厚之恩，务在独乐，不顾众庶，忘国家之政，而贪雉兔之获，则仁者不由也。从此观之，齐楚之事，岂不哀哉！地方不过千里，而囿居九百，是草木不得垦辟，而民无所食也。夫以诸侯之细，而乐万乘之所侈，仆恐百姓之被其尤也。”

於是二子愀然改容，超若自失，逡巡避席曰：“鄙人固陋，不知忌讳，乃今日见教，谨闻命矣。”

大人赋

117 司马相如列传

相如拜为孝文园令。天子既美子虚之事，相如见上好仙道，因曰：“上林之事未足美也，尚有靡者。臣尝为大人赋，未就，请具而奏之。”相如以为列仙之传居山泽间，形容甚癯，此非帝王之仙意也，乃遂就大人赋。其辞曰：

世有大人兮，在于中州。宅弥万里兮，曾不足以少留。悲世俗之迫隘兮，揭轻举而远游。垂绛幡之素蜺兮，载云气而上浮。建格泽之长竿兮，总光耀之采旄。垂旬始以为惨兮，捩彗星而为髣。掉指桥以偃蹇兮，又旖旎以招摇。览欃枪以为旌兮，靡屈虹而为绸。红杳渺以眩溷兮，焱风涌而云浮。驾应龙象舆之螭略透丽兮，骏赤螭青虬之鞅繆蜿蜒。低印夭蟮据以骄骜兮，诘折隆穷蠖以连卷沛艾赳螭仡以佻儼兮，放散畔岸骧以孱颜。踉蹌輶辖容以委丽兮，绸缪偃蹇怵鞫以梁倚。纠蓼叫募蹋以艘路兮，蔑蒙踊跃腾而狂趋。莅飒卉翕燿至电过兮，焕然雾除，霍然云消。

邪绝少阳而登太阴兮，与真人乎相求。互折窈窕以右转兮，横厉飞泉以正东。悉徵灵圉而选之兮，部乘众神於瑶光。使五帝先导兮，反太一而从陵阳。左玄冥而右含雷兮，前陆离而後滂滂。厮征伯侨而役羡门兮，属岐伯使尚方。祝融惊而蹕御兮，清雰气而後行。屯余车其万乘兮，絳云盖而树华旗。使句芒其将行兮，吾欲往乎南嬉。

历唐尧於崇山兮，过虞舜於九疑。纷湛湛其差错兮，杂遝胶葛以方驰。骚扰冲苾其相纷挐兮，滂滂泱轧洒以林离。钻罗列聚丛以茏茸兮，

衍曼流烂坛以陆离。径入雷室之砰磷郁律兮，洞出鬼谷之嘖聒崑鞋。遍览八纮而观四荒兮，揭渡九江而越五河。经营炎火而浮弱水兮，杭绝浮渚而涉流沙。奄息总极汜滥水嬉兮，使灵媧鼓瑟而舞冯夷。时若々将混浊兮，召屏翳迷风伯而刑雨师。西望昆仑之轧沕洗忽兮，直径驰乎三危。排阊阖而入帝宫兮，载玉女而与之归。舒阊风而摇集兮，亢乌腾而一止。低回阴山翔以纡曲兮，吾乃今目睹西王母顰然白首。载胜而穴处兮，亦幸有三足鸟为之使。必长生若此而不死兮，虽济万世不足以喜。

回车揭来兮，绝道不周，会食幽都。呼吸沆瀣餐朝霞，嚙咀芝英兮叽琼华。媿侵浔而高纵兮，纷鸿涌而上厉。贯列缺之倒景兮，涉丰隆之滂沛。驰游道而脩降兮，骛遗雾而远逝。迫区中之隘狭兮，舒节出乎北垠。遗屯骑於玄阙兮，轶先驱於寒门。下峥嵘而无地兮，上寥廓而无天。视眩眠而无见兮，听惝恍而无闻。乘虚无而上假兮，超无友而独存。

相如既奏太人之颂，天子大说，飘飘有凌云之气，似游天地之间意。

史记知识库 | 韵文专项索引

数据提取自《史记》标注版本